

www.BibleForChildren.org

Matiu 8



Zbq otx li mz nzymne-krbz Jiszs mz Natznieł, x kzdq nzyrlzngr sc tzttrngztipebz Kena, kzdq mztea mrkc Gzlili Provins. Lxe Jiszs mncpe kai mz mztea lcde tzyrlzngr. Zbz Jiszs x nigr ncblo nedeng kcng tqmcpxpeleng, nzaveati kz nigr mz nzyrlzngr lc, x sc tqvzpekr.



X mz nibrde, sc tqmulvzpekr nzyrlzngr lc. Zbz waen kc tqmnqkr kx yrkrle kc, sc tqrpipebz lxe Jiszs bade kx, “Waen kcng tzmng yrkrpe. ?Nzmu mrlz nzrtangr-krqu mou waen kzble?” Mz nzmu-krde lcde, sc tqrpipebz lxedede mz kztedr kcng tzokatrng kx, “Mrlzpe. Da kznike pibzle bamu, rtrngztibzmu.”



Sc tqrpipebz Jiszs mz leplz kcng tzokatrng
kx, “Ngilatramu belue lcng.” Nzngilatrlr x
nzyrbu-lxblrng amrlx. Sc tqrpipebzle badr
kx, “Angqpxamu du lue mz belue lcng x
twzbzmu mz mrlx kc tqaclvele nzyrlzngr lc.”
X nztwzbzlr bade.



X sc tqabztrpele lue kc tqrlrtipxle waen. Waen lc nzkriz
leplz kcng tzokatrng, a' trkrizu mrlx lc, me nztwzkimle.
X mz nzkctipx-krdele x
nzabrtzlvz-krdele,
sc tqkqlepele ncblo
kc tqyrlz.



X sc tqrpipebzle bade kx, “Mz nqmq ngr nzyrlzngr,
waen kxmrlz kc namnq kai. X mzli kc naesapxpengr
drtwr ncblo, waen kx
trmrlzne-zpwxu kc
tztwz-mop. A' nim
ayzlu-alzuq, x waen kx
mrlz-esz'ngr yrlqtxpxq
krlzmle mzli ka, x
sc tqkapx-ateq.”




Jiszs alele r kx lc ayrnrngr mztea
Kena mz Gzlili Provins. R kx lc
aelwapx-ngrde nzmyalz-krde.
Nigr ncblo nedeng
mckr x lxngitkr nide.



Jiszs badr ncblo nedeng nzvzng mz
ma nyz Pita. Jiszs kx dwatrpzle kc
brma, sc tqmcpelle kzdo Pita kc tqngi
olvz, sc tqmnz me mnz-ngrde murde
drtqde pqpym.



Zbz Jiszs vzbz malebzle mąde mz nzamrlz-krde nide,
x zyagox kc yrkrtpx pnz. X tulzm sc tqoliqtipebzle
dakxnzng nadr.




Mzli kc nepi tqtaope-ngrde, x Sabat kc tqyrkrpxpe-kzpz,
lr Kzpzizm nzvzmitimlr mz Jiszs kztedrng kxnzyagoxng
x kxnzmncpx-ngrmqng
drka'. Lr mztea
kxnzkqlung
nzyrlwrtrpzng
yz mz ma kc
tqmncpx-ngrm Jiszs.



X amrlztibzleng leplz kxkqlu mz nzyagox-krdrng
amrlx. X maszlrpx-kzpzleng drka' mz leplz kxkqlu.
A' tr-rlr-ngrpwzleu mz drka' lcdeng nzymne-krdr,
murde nzkrizlr kx nide Mevalu kc tqmcpX Gct.



Lepiz kcng amrlx tzabzlr nzrbxtr-ngrbz nide, murde
zmatq sc tqvzpxm bade, x tqamrlztile nidr amrlx mz
zyagox ngrdr.



Zbz sc tzyrkrpebzng mz ma kc tqmnc-ngrde.
Nznulvzlr ma kc x nzyrlwrtrpz kcng yz. Mzli kc Jiszs
tqyapwxtipx-ngrbzle Nrpakxmrlz badr, ncblo nzpwxng
nzvzmqng, nzglqmlr kc ncblo kx nrkrdrtdqde bz.
Nzglqtimlr nqni.



A' rblxtx nzglqtr-krbzlrle mz Jiszs
murde leplz kqlu zlwz mrkc. X sc
tzglqlz-alzupelr mz nibr ma kc,
x nzlvxlzlr mrkc tqmnc-zbzlbz
Jiszs. Zbz sc tzavoopebzlr
ncblo kc mz nqni
mnrde.




Kx krlztrpz Jiszsz nzbtrtkr drtwrdrr nide mz
nzamrlz-krde kztedr,
sc tqrpipebzle mz ncblo
kc tqyagox kx, “Mrlxnge,
alwx ngrmqng
ipqpxpebo.” “Mrlxnge,
tulz, oti nqni pnrn
x vzpe mrnyzm!”



Mz nibrde, sc tqprtze mz bot scdr kxetu,
x ncblo nedeng nzprtz-kzpzng x sc
tzalilvcopeng. Zbz sc
tzpwrkilvcpe-ngrdr kzdq nenq
kxetu. X dxka kxetuting
sc tqvzopebz mz nabz
bot kc. A' mzli lc,
Jiszs sc tqmwi.



A' rpibz Jiszs badr kx, “?Memule
tqmwxlrhx-zlwz-ngrnamu? ?X memule nzlxngiti-krmu
ninge tqtopwzbe-ngrde?” Zbz tulzm, sc tqqlclvzpele nenq
x dxka. X mzli kcpwz nrwx otx pnz. X nidr amrlx ngrdr
sc tzkctitxpxpelr Jiszs, tZRpi-etRpelr
kx, “Eke! ?Ncblo kznika?
Nenq x dxka
nzvz-nqblqlr natqde!”



Da zpwx. Gct atwzlr-ngrmle Mrlxde kc
esz'txu murde nzmrlzti-zlwzle lr nrlc.
Murde krkcng tzlxngitilr mrlxde
trtxpnzngr nzbz-alo-krdr,
a' sa narmctilr nzlungr kxboi.



Rom 3:23 Murde leplz amrlx nztaong mz alwx x
trnzyatrpwzu nzvz-nqblq-krdr nqmq kxmrlz kxtr kc tqyrlqbz
Gct badr.

Rom 6:23 Nzrmabztitrngr alwx, natutr-ngrde mz nzbzngr. A'
Gct ka-nrbalqbzle nzlungr kxboi mz leplz kcng tzaxvctrpzng
mz Kxetu rgu Mevalu Jiszs.

Hibru 9:27 Leplz amrlx nzbz-krdr nzwrde esz'txu. X mz
nibrde, sc tqpipebz Gct badr, krkcng tzvz-rbrng x krkcng
tztubqng, murde krlc vz-nqblqle me pnz drtwrde.

Efiszs 2:8,9 Murde nzrlapx-krmu vzpxm mz zmrlz ngr Gct
kxmyalz, mz nzokatr-krde nimu mz nzabrtr-krbz drtwrmu
mz Kraes. A' nzrlapxngr lc trvzpxpuu mz nimu esz'-krmu.

A' Gct kx rka-nrbalqbz bamu, murde ma
tqglqpx-lzbq-ngrnamu kx wz-ngrnamu da lc mz zmatq
ngrmu esz'-krmu.



Rom 10:9,10 Murde doa kx naplzpaxle mz naode kx, "Jiszs nide Kxetu Kxmyalz-esz'ngr," x lxngiti-angidr-kzle mz nabzde kx Gct atulz-mople Jiszs mz nzbzngr, doa la sa na-arlapx. Murde mz nzplzpx-krqu nzlxngiti-angidr-krqu Kraes, tubqku mz nzobqkr Gct x sa na-arlapxle nigu.

Jon 3:16,17 Da zpwx. Gct atwzlr-ngrmle Mrlxde kc esz'txu murde nzmrlzti-zlwzle lr nrlc. Murde krkcng tzlxngitilr mrlxde trtxpnzngr nzbz-alo-krdr, a' sa narmctilr nzlungr kxboi. Tratwzlr-ngrpuu Gct Mrlxde mz nrlc mz nzayrplapx-krde lr nrlc, a' mz nzarlapx-krde nidr mz nzayrplapxngr mz alwx.



1 Jon 5:11-13 Natq Gct nide sele. Gct sc tqkamle bagu nzlungr kxboi kc tqvzpxm mz Mrlxde. Krkc tqlxngitile Mrlx Gct rmctile nzlungr kxboi, a' krkc tqpxtpx-ngrde Mrlxde trprtrpepzu mz nzlungr lc. X yrbo da lcng amrlx bamu, murde sc tqlxngitipeamu kx Jiszs nide Mrlx Gct. X suti drtwrnge kx nakrlz-kzamu kx sc tqrmctipeamu nzlungr kxboi.



Matiu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Natugu NT (ntu) © 2008, Wycliffe Bible Translators, Inc. All
rights reserved.

<https://www.bible.com/en-GB/bible/1908/MAT.1>

©2025 Bible for Children, Inc.

www.M1914.org

www.bibleforchildren.org

